


土岐文庫
文庫17
W72
6





文庫 17
W72
6

几詩別裁集卷三

姚培謙述齋

雲間張景星二銘點閱

王永祺補堂

七言古

冷泉亭

周權

昔人來自天竺國，縹緲孤雲伴飛錫。天
風吹落疑不去，化作奇峰聳空碧。至今

七言古

一

昭和六十年二月一日
王以善唐氏寄

010185194286

元言別表集卷之三
裂峽餘雲髓。桂冷松香流未已。翠光圓。
住。玉壺秋不放。晴雷度山趾。道人宴坐
無生滅。炯炯層胸照冰雪。夜深出定汲
清冷。寒猿嘯斷西巖月。

題晴川圖

岑安卿

清溪粼粼生淺花。曉日倒射搖金沙。翩
然雙鷺下危石。玉雪照影無纖瑕。溪邊
小景入圖畫。青煙綠樹漁翁家。漁翁歸。

來歌。未終鷺鷥忽起。蘆花風回。眸遙望。
不可極。但見白玉飛青空。昔年夜宿瀟
湘浦。徹曉不眠聽急雨。解衣曳絺。沙
頭。何似今朝得容與。長安馬寒泥沒腹。
雪滿朝衣凍肩縮。試令援筆題此圖。長
篇應賦歸來曲。

楊花吟

胡天游

吳江春水拍天涯。江上風吹楊柳花。花

飛滿空無處所。隨風直渡吳江水。渡水
隨風太有情。縈花惹草恣輕盈。狂如舞
蝶穿花徑。細逐流鶯度綺城。綺城樓閣
連天際。楊花飛入千門去。飛去飛來稍
覺多。紛紛如雪奈君何。珠簾繡箔深深
見。舞榭妝樓處處過。樓中美人春睡起。
愁見楊花思蕩子。蕩子飄零去不歸。楊
花歲歲點春衣。夢魂不識天涯路。願作
楊花片片飛。

天馬行應制作并序 周伯琦

至正二年歲壬午七月十有八日。西
域拂郎國遣使獻馬一匹。高八尺三
寸。修如其數而加半。色漆黑。後二蹠
白。曲項昂首。神俊超逸。視它西域馬
可稱者。皆在羈下。金轡重勒。馭者其
國人。黃鬚碧眼。服二色窄衣。言語不

元詩別集卷之三
可通以意諭之。凡七度海洋始達中國。是日天朗氣清。相臣奏進上御慈仁殿。臨觀稱歎。遂命育於天閑。飼以肉粟酒醴。仍敕翰林學士承旨臣夔夔命工畫者圖之。而直學士臣揭傒斯贊之。蓋自有國以來未嘗見也。殆古所謂天馬者邪。承詔賦詩題所圖畫。臣伯琦謹獻詩曰。

飛龍在天今十祀。重譯來庭無遠邇。川珍嶽貢皆貞符。神駒躍出西洼水。拂郎蕞爾不敢留。使行四載數萬里。乘輿清暑灤河宮。宰臣奏進閭闔裏。昂昂八尺阜且偉。首揚渴烏竹批耳。雙蹠縣雪墨漬毛。疏駿擁霧風生尾。朱英翠組金盤陀。方瞳夾鏡神光紫。聳身直欲凌雲霄。盤辟丹墀却閑顧。黃鬚圍人服左詭。羣

鞞如縈相諾。唯羣臣俯伏呼萬歲。初秋
曉霽風日美。九重洞啓臨軒觀。袞衣晃
耀天顏喜。畫師寫倣妙奪神。拜進御牀
深稱旨。牽來相向宛轉同。一入天閑誰
敢齒。我朝幅員古無比。朔方鐵騎紛如
螳。山無氛祲海無波。有國百年今見此
豈。崙八駿遊心侈。茂陵大宛黷兵紀。聖
皇不却亦不求。垂拱無為靜邊鄙。遠人
慕化致壤。奠地角已如天尺。只神州首
蓄。西風肥收歛。驕雄聽驅使。屬車歲歲
幸兩京。八鸞承御壯瞻視。騶虞麟趾並
樂歌。越雉旅葵盡風靡。迺知感召由真
龍。房星孕秀非偶爾。黃金不用築高臺。
髦俊聞風一時起。願見斯世皞皞如羲
皇。按圖畫卦復茲始。

白苧舞詞

張憲

吳宮美人青犢刀。自裁白苧製舞袍。輕
 雲冉冉白勝雪。激楚一曲回風高。九雛
 鳳釵簪紫玉。長裾窄腰蓮步促。翩翩素
 袖啓朱櫻。金籠鸚鵡飛來熟。館娃樓閣
 搖春暉。臺城少年醉忘歸。謫宮綺戶鎖
 風色。桃樹日長蝴蝶飛。傾城獨立世希
 有。罷吟綠水停楊柳。急管繁絃莫苦催。
 真珠賸買烏程酒。

二月八日遊皇城西華門外觀嘉
 孛弟走馬歌

春風毳城紫燕飛。繡鞍寶勒生光輝。軟
 沙青草平似鏡。花雨滿巾風滿衣。潛蛟
 雙縮玉抱吐朱鬚。分光散紅霧。金龍五
 爪蟠彩袍。滿背真珠撒秋露。生猿俊健
 雙臂長。左脚踏鐙右蹴韁。銅鏡四扇遶
 十指。玉聲珠碎金琅璫。黃蛇下飲電掣

元言易集卷三十一
地。錦鷹打兔起復墜。神雲突方鞍面空。
銀甕駝囊兩邊。西宮綵樓高插天。鳳
凰繚繞排神仙。玉皇拍闌。誤一笑不覺。
四。蹶如送煙。神駒長鳴背疑血。郎君轉
面醉眼纈。天恩翦下五色雲。打鼓歸來
汗如雪。

北庭宣元杰西番刀歌

此刀乃江
浙平章教

化公征淮
西所佩者

金神起持水火齊。煅鍊陰陽結精銳。七
月七日授治師。手作鉗鎚股為礪。一千
七百七十鋒。脊高體狹刀口洪。龍飛蛟
化歲月久。阮師舊物今無蹤。呱哇繡鑲
桑可曲。東倭純鋼不受觸。賢侯示我西
番刀。名壓古今刀劍錄。三尖兩刃圭首
圓。劍脊黧黧生黑煙。朱砂斑痕點人血。
雕青皮軟金鈎聯。唐人寶刀誇大食。於

元詩別裁集卷三
今利器稱米息十年。土淵松枝生戎王。
造時當月蝕。平章遺佩固有神。朱高固
始多奇勳。三公重器不虛授。往繼王祥
作輔臣。

鴻門會

楊維禎

天迷關地迷戶。東龍白日西龍雨。撞鐘
飲酒愁海翻。碧火吹巢雙狹狹。暗言范增項莊
照天萬古無二塢。殘星破月開天餘。此

沛公當繼王天下羽不得分也座中有客天子氣。左股
七十二子連明珠。軍聲十萬振屋瓦。拔
劍當人面如赭。將軍下馬力拔山。氣卷
黃河酒中瀉。劍光上天寒。彗殘明朝晝
地分河山。將軍呼龍將客走。石破青天
撞玉斗。

廬山瀑布謠 并序

甲申秋八月十六夜予夢與酸齋仙

客游廬山各賦詩。酸齋賦彭郎詞。予

賦瀑布謠。

銀河忽如瓠子決。馮諸五老之峯前。我
疑天仙織素練。素練脫軸垂青天。便欲
手把并州翦。剪取一幅玻璃煙。相逢雲
石子。有似捉月仙。酒喉無耐夜渴甚。騎
鯨吸海枯桑田。居然化作十萬丈。玉虹
倒挂清冷淵。

過歌風臺

張昱

世間快意寧有此。亭長還鄉作天子。沛
宮不樂復何為。諸母父兄知舊事。酒酣
起舞和兒歌。眼中盡是漢山河。韓彭受
誅。鯨布戮。且喜壯士今無多。縱酒極歡
留十日。感慨傷懷涕沾臆。萬乘旌旗不
自尊。魂魄猶為故鄉惜。從來樂極自生
哀。泗水東流不再回。萬歲千秋誰不念。

古之帝王安在哉。蕪台石刻今如許。幾
度秋風灞陵雨。漢家社稷四百年。荒臺
猶是開基處。

劉君元暉八月十四日邀余翫月

快雪齋中命余詩因賦

倪瓚

卷。簾。見。月。形。神。清。疑。是。山。陰。夜。雪。明。長。
歌。欲。覓。剡。溪。載。悵。然。停。杯。遠。恨。生。爾。營。
茅。齋。名。快。雪。邀。我。吹。笙。弄。明。月。明。星。如。
銀。浮。翳。消。垂。露。成。唯。桂。花。發。酒。波。蕩。漾。
天。河。傾。笙。聲。嫋。嫋。秋。風。咽。古。人。與。我。不。
竝。世。鶴。思。鷗。情。迴。愁。絕。

古金城謠并序

周霆震

國家承平百年。武備寢弛。盜發徐頰。
熾於漢淮。武昌南紀。雄藩一旦灰滅。
洪省堅壁。寇蔓延諸郡。水陸大牙。北

元詩別集卷三
來名將相繼道殞。丞相出督步騎直抵高郵。事垂成。以讒廢。方面多貴遊子弟。貪鄙庸才。虛張戰功。肆意罔上。誅求寬濫。慘酷百端。重以吏習舞文。旁羅鷹犬。意所欲陷。即誣與賊通。其弊有不忍言者。間存一二廉介。則又矜獨斷。昧遠圖。坐失機會。民日以敝。盜日以滋。廬壽舒三州屏蔽上流。廬壽既沒。舒獨當鋒鏑之衝。至正十年壬申。進士余闕以淮西元帥之節來鎮。廣設方略。招徠補葺。備戰守。豐軍儲。賊飲恨不得逞。朝廷嘉其功。授淮南參知政事。自是日與賊遇。受圍凡四十有二。大小二百餘戰。江西賴以苟安。坐視弗援。十八年正月丙午。城遂陷。公一門爭先赴死。闔郡無一生。

言別集卷三
降賊黨舉手加額。稱余元帥。天下一人。購得其尸。城下池中。禮葬之。傷哉。寄痛哭於長歌。使後人哀也。

昆侖烈風撼坤軸。日車斂轡咸池浴。六龍飲渴呼不聞。赤螿爭蠶厭人肉。荆襄弗支廬壽孤。江東掃地如摧枯。忠臣當代誰第一。七載舒州天下無。東南此地關形勝。天柱之峰屹千仞。當年赤壁走

曹瞞。天為孫吳產公瑾。我公千載遙相望。崎嶇恒以弱擊強。孤城大小二百戰。食盡壯拜天。無光當闕。援劍蒼龍吼。盡室肯污姦黨手。摧鋒闔郡無生降。群盜言之皆稽首。堂堂省憲羅公卿。建官分闡日募兵。哀哉坐視無寸策。遂使流血西江平。向來不曉皇穹意。名將南征死相繼。一時貪暴聚庸才。玩寇偷安饗富

貴河。流浩浩。龍門。西。燕山。萬騎。攢霜蹄。
英雄。暴骨心。未死去。作海色。催朝雞。玉
衣。飛舞空中見。太息孤忠。鏖百戰。五陵
元氣待天還。睢陽。誰續中丞傳。

金谷行

楊奐

洛陽園池天下無。金谷近在西城隅。晉
時花草不復見。野人猶解談齊奴。齊奴
豪華誰比數。酒醒愛擊珊瑚株。後堂春
風滿桃李。中有一枝名綠珠。千金買步
障。百金買舞輪。時時吹笛替郎語。雲窓
霧戶長歡娛。層階欲下須人扶。豈料一
日能捐軀。紅飛玉碎頃刻裏。空使行客
悲躊躇。樓頭小婦感恩死。君臣大義當
何如。

河間府

陳孚

北風河間道。沙飛雲浩浩。上有銜舊不

云言另表集卷三
鳴之寒雁。下有隕霜半死之秋草。城外
平波青黛光。大魚跳波一尺長。牧童吹
笛楓葉裏。疲牛倦馬眠夕陽。有禽大如
鶴。紅喙搖綠煙。路人指我語。佯光信天
緣。我生功名付樽酒。衣如枯荷馬如狗。
為問天緣可信否。旗亭擊劍寒蛟吼。

居庸疊翠

斷崖萬仞如削鐵。鳥飛不度苔石裂。嵯
岬枯木無碧柯。六月太陰飄急雪。寒沙
茫茫出關道。駱駝夜吼黃雲老。征鴻一
聲起。長空風吹草低。山月小。

邕州

左江南下一千里。中有交州墮鷲水。右
江西繞特磨來。鱗魚夜吼聲如雷。兩江
合流抱邕管。莫冬氣候三春暖。家家榕
樹青不凋。桃李亂開野花滿。蝮蛇挂屋

元詩別集卷三十一
四
晚風急。熱霧如湯。滅衣溼萬人塚。上。蛋。
子。眠。三。公。亭。下。鮫。人。泣。驛。吏。煎。茶。菜。莫。
濃。檳。榔。口。吐。猩。血。紅。颯。然。毛。竅。汗。為。雨。
病。骨。似。覺。收。奇。功。平。生。所。持。一。忠。壯。荒。
嶠。何。殊。玉。階。上。明。年。歸。泛。兩。江。船。會。酌。
清。波。洗。炎。瘴。

邯鄲行

傅若金

邯鄲城頭下白日。邯鄲市上風蕭瑟。故
壘空餘鳥雀悲。荒垣只見狐狸出。何王
墳墓對山阿。尚憶諸侯征戰多。趙客歸
來重毛遂。秦軍老去畏廉頗。黃塵白草
宮前道。鬼火如燈夜相照。公子秋來不
見過。美人月下那聞笑。當時冠蓋激浮
雲。搗鐘考鼓宴青春。只今惟有郵亭樹。
還送年年行路人。

送華山隱歸西湖故居

方士求仙入滄海。十二城樓定何在。金
銅移盤露滿天。琪樹離離人不采。軒轅
高拱聖明居。群仙真人左右趨。青牛谷
口迎紫氣。白鶴洞中傳素書。珊珊鳴佩
星辰遠。寂寂珠庭雲霧虛。修髯如漆古
仙子。玉林芙蓉染秋水。九關高塞不可
留。歸去江湖種蘭芷。山頭宮殿風玲瓏。
乍。猿飛來千尺松。閒房誦經鐘磬響。石
壁題詩苔蘚封。欲向君王乞祠祿。安排
杖屨來相從。

王士熙

江南曲

成廷珪

吳姬當壚新酒香。翠綃短袂紅羅裳。上
盆十千買一斗。三杯五杯來勸郎。落花
不解留春住。似欲隨郎渡江去。酒醒一
夜怨。嗥。鷓。鴒。明日蘭舟泊何處。

長江送別圖送周平叔之通州丞
福山蒼蒼倚天碧。狼山巉巉生鐵色。兩
山當江作海門。力盡神鞭驅不得。滄波
萬里從西來。楚尾吳頭天一壁。陰風轉
地鯨怒鬣。黑霧連空龍起立。來舟去楫
不敢動。袖手傍觀唯歎息。扶桑浴日飛
上天。百怪潛消杳無迹。水光鏡淨山亦
佳。目送雲帆高百尺。青霄要路君既官。

白首窮塗我猶客。煙中隱隱見孤城。令
我思鄉心轉劇。驪駒歌罷將奈何。倚杖
江南望江北。

送羅與敬歸西昌 劉永之

石龍磯畔多芳草。遊子憶家春已老。水
壯楊花撲地飛。旁人謾道飛花好。愛子
不忍別。送子到水濱。青天孤影飛黃鵠。
落日長風吹斷雲。朝發銅塘津。莫宿青

元詩別集卷三
泥渡帆過孝通祠。漸是西昌路。金魚洲。
遠樹青青。三顧浮煙生。杳冥石扶壞道。
通高閣。水齧危沙。見古城。君家正在何。
方。住。獨有園廬俯江渚。昨夜深閨夢。遠。
人。相思定倚櫻桃樹。

送李彥明歸高郵 謝應芳

老夫歸從東海頭。春風送客歸秦郵。出。
門。復。覩。雁。北。鄉。物。我。喜。得。同。悠悠。吳船

鼓櫂渡江去。烏輪正挂扶桑樹。桃花倚。
岼笑相看。杜宇催人啼不住。征袍十年。
塵土多。濯纓今年滄浪歌。一百五日寒。
食。雨。三。十。六。湖。春。水。波。交。游。臺。樹。翦。荆。
棘。繼。美。前。修。集。佳。客。誰。能。喚。起。老。龍。眠。
重寫耳孫湖上宅。

題道士張湛然彈琴詩卷

汪克寬

嶧山白桐千年枝。金星爛爛蛇虻皮。文
光七軫藍田玉。冰絃細繞吳蠶絲。丹山
雲暖鳳皇語。露草寒蛩訴秋雨。娥英泣
灑湘筠斑。遷客相逢話羈旅。翠巖懸瀑
鏘瓊瑤。雷霆霹靂轟層霄。撇波細萍浮
蕩漾。劈空輕絮飛飄飄。仙林唳鶴驚離
別。老龍湫底吟寒月。海門送上子胥潮。
澎湃奔騰卷殘雪。羽人瀟灑顏如仙。馮
虛來徃黃山巔。古音淨洗箏琶耳。何須
更濯丹砂泉。

客邸中秋對月

朱希晦

去年中秋秋月圓。浩歌對酒清無眠。煙
霏滅盡人境寂。仰看明月懸中天。今年
客裏中秋月。靜挹金波更清絕。可憐有
月客無酒。不照歡娛照離別。夜闌淅淅
西風涼。月中老桂吹天香。悠然長嘯動

歸興。坐久零露沾衣裳。浮世悲懽何足
數。庾樓亦壁俱塵土。風流已往。明月來
山。色。江。聲。自。今。古。

新郭

周砥

汎舟越來溪水旁。溪邊暮色何蒼蒼。主
人張筵揮羽觴。吳姬唱歌聲抑揚。船尾
挑燈大魚出。船頭洗觥秋波涼。夜如何
其夜未央。萬壑不起星煌煌。酒闌客過
別船去。木葉蕭蕭下如雨。船中醉臥忘
西東。睡覺猶聞夢中語。此時月落天將
曙。隔屋雞啼欲起舞。西風滿天鴻雁聲。
瑟瑟菰蒲響秋渚。

元詩別裁集卷四

姚培謙述齋

雲間張景星二銘點閱

王永祺補堂

五言律

少室南原

元好問

地僻人煙斷。山深鳥語譁。清溪鳴石齒。暖日長藤芽。綠映高低樹。紅迷遠近花。

元詩別裁集卷四 五言律

林間見雞犬。直擬是仙家。

九月晦日王邨道中

水涸沙仍溼。霜餘草更幽。煙光藏落景。山骨露清秋。坐食知何益。行吟只自愁。隨陽見鴻雁。三嘆惜淹留。

八月并州雁三鄉時作

八月并州雁。清汾照旅羣。一聲驚晚笛。數點入秋雲。滅沒樓中見。哀勞枕畔聞。

南來還北去。無計得隨君。

乙卯十一月往鎮州

邨靜鳥聲樂。山低雁影遙。野陰時澗朗。冷雨只飄蕭。涉遠心先倦。衝寒酒易消。紅塵忘南北。渺渺見長橋。

治圃雜書

方回

芍藥抽紅銳。茶蘼結綠長。幾家蠶落紙。比屋燕分梁。穀雨深春近。茶煙永日香。

元詩別表集卷四
詩成懶磨墨。墨拄杖畫苔牆。

茗溪

戴表元

六月茗溪路。人言似若邪。漁層挂椶樹。酒舫出荷花。碧水千盃共。青山一道斜。人間無限事。不厭是桑麻。

西州即事

黃庚

一雨洗空碧。江城獨倚樓。山吞殘日沒。水挾斷雲流。燈影深邨夜。鐘聲古寺秋。西州舊遊地。十載此淹留。

春日即事

扶杖行幽徑。園林欲莫天。錦棠紅濯雨。絲柳綠縹煙。春事忽三月。風光又一年。客懷正愁絕。那復聽嘵鵲。

書山陰驛

迢遞三山道。重來感舊遊。潮聲寒帶雨。山色淡生秋。寄驛通鄉信。題詩記旅愁。

元言別表集卷四
三
江湖十年客。兩度到西州。

鶴林仙壇寺

古壇歸鶴杳。野鹿自成羣。嵐氣浮清曉。
鐘聲出白雲。樹穿僧屋老。水到寺門分。
人世無窮事。山中了不聞。

長蘆舟中夜坐

尹廷高

故國五千里。孤帆四十程。客懷偏浩蕩。
鄉夢不分明。萬折河流曲。三更斗柄橫。
不眠方宴坐。野寺又鐘聲。

魚樂樓

趙孟頫

樓下南來水。清冷百尺深。菰蒲終夜響。
楊柳半谿陰。日月驅人世。江湖動客心。
向來歌舞宴。達曉看橫參。

大都遇平江龍興寺僧間上座話

唐棊母潛宿龍興寺詩因次其韻
聞說龍興寺。多年未款扉。風林發松籟。

雨砌長苔。殿古燈光定。房深磬韻微。
秋風動歸興。一錫向空飛。

贈瑛上人住洞林 袁 桷

托鉢千巖裏。松花凍未開。哀猿依講席。
飢鳥下生臺。潭影留雲定。鍾聲送月回。
山中太古雪。為寄一瓢來。

送董仁甫之西臺幕

馬祖常

西南萬里地。詔屬大行臺。秦樹浮天去。
巴江帶雪來。山河無用險。邦國正需才。
臺幕風流羨。書籤想盡開。

槍竿嶺

貢 奎

薄宦辭家遠。經秋未得歸。直隨山北去。
却背雁南飛。川淨白雲起。郊平紅樹微。
憶曾留宿處。立馬認還非。

荻港早行

許有壬

水國宜秋晚。羈愁感歲華。清霜醉楓葉。
淡月隱蘆花。漲落高低路。川平遠近沙。
炊煙青不斷。山崦有人家。

寄丁卯進士薩都刺天錫

鎮江錄事宣差

虞集

江上新詩好。亦知公事閑。投壺深竹裏。
繫馬古松間。夜月多臨海。秋風或在山。
玉堂蕭爽地。思爾佩珊珊。

五師東谷懷城中諸友

范梈

契濶遽如許。淹留空復情。天遙一鶴上。
山合百蟲鳴。異俗嗟何適。冥棲得此生。
平居二三子。今夜隔重城。

黃尊師高軒觀鵝因留宿

揭傒斯

開軒南嶽下。世事未曾聞。落葉常疑雨。

元言易表身
方池半是雲。偶尋騎鶴侶。來此看鵝羣。
一夜潺湲裏。秋光得細分。

衡山縣曉渡

古縣依江次。輕輿落岼隈。鳥衝行客過。
山向野船開。近嶽皆雲氣。中流忽雨來。
何時還到此。明月照沿洄。

寄方韶文先生

黃潛

牢落江南賦。知音寄渺茫。庶麋行處有。
芝草夢中香。遙興滄溟闊。悲歌白髮長。
平生今古淚。滴破綠蘿裳。

初至寧海二首

地至東南盡。城孤邑屢遷。行山雲作路。
累石海為田。蜃炭邨邨白。椶林樹樹圓。
桃源名更美。何處有神仙。

縹緲蛟龍宅。風雷隔杳冥。人家多面水。
島嶼若浮萍。煮海鹽煙黑。淘沙鐵氣腥。

言房表集卷四
停驂方問俗。漁唱起前汀。

同楊仲禮和袁集賢上都詩

柳貫

出塞行瞻日。趨朝喜近天。離宮開苑囿。
馳道絕風煙。瑤水巡非遠。峒山歷更懸。
甘泉多法從。獻賦憶當年。

昔建寰中業。初開徼外山。雉城平兀兀。
沙水淨灣灣。朱夏宸游正。清秋武衛閑。
叨陪文學乘。空媿鬢毛斑。

幄殿層雲障。轅門積雪峰。奇鷹皆戴角。
御馬盡飛龍。瀚海將臨幸。云亭望陟封。
青邱大羽獵。有事待冬冬。
水草方方善。弓弧戶戶便。合圍連婦女。
從戍到曾平。雪毳千家帳。冰瓢百眼泉。
浚稽山更北。長望斗光懸。

用韻寄龍江

薩都刺

之子金山去。梅天霧氣沉。海風吹浪急。
江雨入樓深。火盡無茶味。更長過燭心。
明朝好晴色。應是寄新吟。

送人之浙東

我還京口去。君入浙東遊。風雨孤舟夜。
關河兩鬢秋。出江吳水盡。接岫楚山稠。
明日相思處。惟登北固樓。

閩中苦雨

病客如僧懶。多寒擁毳裘。三山一夜雨。
四月滿城秋。海瘴連雲起。江潮入市流。
釣竿如在手。便可上漁舟。

送南臺從事劉子謙之遼東

往復一萬里。嗟君已兩行。朔風吹野草。
寒日下邊城。策馬犯霜雪。逢人問路程。
歸期在何日。應是近新正。

山中懷友

元言易表集卷四
自是麒麟種。卑棲又幾年。故廬南雪下。
短褐北風前。歲莫山林瘦。天高雨露偏。
惟應丈夫志。未受故人憐。

遊梅仙山和唐人韻

仙人不可見。借鶴過仙家。夜臥千峰月。
朝餐五色霞。祠空風掃葉。人去鹿銜花。
歸隱知何日。分鑪學鍊砂。

李翰林墓二首 宋 无

嗜酒傲明時。何因賀監知。承恩金馬詔。
失意玉環詞。名與三閭並。身將四皓期。
匡山有書讀。應亦嘆歸遲。
一騎紫鯨去。空掩謝山塋。落月今誰弔。
長庚夜自明。乾坤沉秀氣。江水帶哀聲。
天上多官府。文章不可輕。

南峰宴坐僧

空巖槁木形。入定掩松扃。鵲供銜來果。

元詩易表集卷四
猿看誦罷經。雲霞埋衲重。苔蘚上鞵青。
只有樵人識。曾因採茯苓。

銅陵五松山中

樵聲聞遠林。流水隔雲深。茅屋在何處。
桃花無路尋。身黃松上鼠。頭白竹間禽。
應有仙家住。避秦來至今。

寄題無照西園

近地棲禪室。祇園草木薰。鞵香花洞雨。
衣潤石闌雲。松吹和琴雜。茶煙到樹分。
遙知道林輩。來此論琴心。

丹青小景山水

張翥

沙禽毛羽新。來往采桑津。野水碧於草。
桃花紅照人。裴回遠山莫。窈窕江南春。
芳思不可極。悠然懷釣綸。

南城咏古

迺賢

落日燕城下。高臺草樹秋。千金何足惜。

一。士。固。難。求。滄。海。誰。青。眼。空。山。盡。白。頭。
還。憐。易。河。水。今。古。只。東。流。黃金臺

夢。斷。朝。元。閣。來。尋。賣。酒。樓。野。花。迷。輦。路。
落。葉。滿。宮。溝。風。雨。青。城。暮。河。山。紫。塞。愁。
老。人。頭。雪。白。扶。杖。話。幽。州。壽安殿今為酒家壽安樓

題官舍壁

吳自道

官。舍。千。峯。裏。迎。秋。氣。已。清。池。煙。明。鶴。影。
林。雨。斷。蟬。聲。紅。惜。芙。容。落。青。憐。薜。荔。生。
今。朝。少。公。事。吟。嘯。且。怡。情。

郭外

周權

郭。外。人。家。少。魚。邨。颺。酒。旗。江。雲。低。壓。樹。
沙。竹。細。穿。籬。地。暖。梅。花。早。天。寒。潮。信。遲。
夕。陽。煙。景。外。倚。杖。立。移。時。

意行

略。約。三。家。市。溪。迴。野。路。分。輕。暎。晞。竹。露。
宿。雨。落。松。雲。山。寺。依。巖。見。邨。春。隔。隴。聞。

欣欣農事集。聊得狎鷗羣。

石門曉行 方瀾

風高木葉脫。從此曉寒新。積雨見初日。遠山如故人。煙邨一葦渡。野寺數家隣。獨念行藏異。沙鷗未我馴。

遊洞嶺寺 盧琦

古寺藏煙樹。巖扉晝不扃。日高花散影。風定竹無聲。稚子添香火。閑僧閱藏經。新詩吟未就。獨向殿階行。

鉛山早行 黃鎮成

早起辭林館。鄰雞已再鳴。月弦當戶直。斗柄插山高。細濕侵藜杖。輕寒襲布袍。前趨東日上。五色動雲濤。

九月一日還自上京途中紀事

周伯琦

北口七十二。居庸第一關。峭崖屏列翠。

急澗玉鳴環。佛閣騰雲霧。人家結市閭。
馬前軍吏候。使節幾時還。

紀行詩

車坊尚平地。近嶺晝生寒。拔地數千丈。
凌空十八盤。飛泉鳴亂石。危磴護重關。
俯視人寰隘。真疑長羽翰。

萬幕懸崖下。高低疎復稠。剝牆睥虎衛。
幄殿聳龍樓。榆柳清長晝。槐松颯早秋。
威容隆古昔。神武鎮中州。

寄中山隱講師

張憲

問訊山中隱。中山第幾重。風廊巡夜虎。
雲鉢聽經龍。流水千溪月。寒巖一樹松。
無因淨香澤。來共上堂鐘。

荒邨

倪瓚

踽踽荒邨客。悠悠遠道情。竹梧秋雨碧。
荷芰晚波明。穴鼠能人拱。池鷺類鶴鳴。

蕭條阮遥集。幾屐了餘生。

垂虹亭

虛閣春城外。澄湖暮雨邊。飛雲忽入戶。去鳥欲窮天。林屋青西映。吳松碧左連。登臨感時物。快吸酒如川。

題畫贈王仲和

曾住南湖宅。于今已十年。叢筠還自翳。喬木故依然。雨雜鳴渠溜。雲連煮木煙。

何時重相遇。爛醉得佳眠。南湖陸子素高士幽居今

王君仲和居之水木清華戶庭幽邃余嘗寓其家四年怡然忘世慮也仲和以此幀素畫竹石畫已并詩其上以寫憐憫之懷予素仲和外舅也故尤感余故人之思乙巳初月十七日

桂花

桂花留晚色。簾影澹秋光。靡靡風還落。菲菲夜未央。玉繩低缺月。金鴨罷焚香。忽起故園想。冷然歸夢長。

元詩別集卷四十一
五律
五律

秋望

郭鈺

長嘯動巖壑。秋風生滿林。片雲隨雁度。
疎雨約蟬吟。燕馬關山遠。吳船歲月深。
歸來蘇季子。何用苦多金。

憶從弟鐸

憶昨王師捷。還鄉近五年。艱危惟我共。
俯仰得誰憐。茅屋秋風裏。烽煙夕照邊。
亂離今轉甚。思爾只高眠。

日暮江邨雜興

葉顯

釣艇已收緝。無人深閉門。雲生沙上石。
月出水南邨。寂寞寒潮遠。微茫煙浪昏。
孤舟中夜笛。感慨動吟魂。

武昌南湖度夏

丁鶴年

南浦幽棲地。當門畫盡開。青山入雲去。
白雨渡湖來。石潤生龍氣。川光媚蚌胎。
芙蓉三百頃。何處著炎埃。

元詩別集卷四十一
五律

餘杭四月

白珽

四月餘杭道一晴生意繁朱櫻青豆酒
綠草白鵝鴈水滿船頭滑風輕袖影翻
幾家蠶事動寂寂書門關

郡樓

龔璠

久客有遠思肩輿登郡樓聊為避暑飲
更學御風游疊翠城南面雙虹水北流
流將五湖去葉葉采蘋舟

次韻謝錢翼之

吾邱衍

筆翰西臺妙文章五鳳樓美才須比玉
直道豈如鉤吳苑辭春色江風散旅愁
吾廬正蕭颯二仲得羊求

得邛大用書復寄 楊 奐

百年真夢寐萬國久風塵老去偏相憶
書來恨不頻季鷹猶在洛王粲未歸秦
谷口知何似他時願卜鄰

南居寺

何中

閉戶未從容。出門誰道從。聊隨碧溪轉。
忽與白鷗逢。小雨十數點。澹煙三四峯。
峰峰看不足。山寺已鳴鐘。

饒州道上

新晴破積陰。淑氣泛行襟。千里山河眼。
百年耆舊心。霞飛滄海遠。煙入綠邨深。
學劍江東者。茫茫不可尋。

陳家源

翠霧斷厓側。丹霞流水西。竹從幽處密。
松自古來欹。落葉半藏路。清風時滿溪。
仙家元不遠。未許衆人知。

立秋夕作

但覺焦原苦。何當沛澤流。夕風微報響。
古木暗藏秋。未事冥難測。閒心遠作愁。
亂山高下碧。煙靄澹浮浮。

辛亥元夕二日

頑坐故貪默。忽行時自言。寒沙梅影路。
微雪酒香邨。時序鬢髮改。人家童穉喧。
街頭試燈候。不到郭西門。

衡湘驛

傅若金

烽火連諸郡。旌旗轉百蠻。野鷺先客至。
江雁及春還。吳楚青天迥。瀟湘白日閑。
登臨慰懷抱。况復近鄉關。

金陵晚眺

金陵古形勝。晚望思迢遙。白日餘孤塔。
青山見六朝。燕迷花底巷。鴉散柳陰橋。
城下秦淮水。年年自落潮。

送雲閒師游浙

杖錫違蕭水。風帆向武林。海紅秋樹遠。
江黑暮鐘深。雲起通香氣。潮來合梵音。
亦知無住著。隨處得安心。

送趙宗吉編修代祀西嶽

雅琥

北上函香去。西南致禮勤。蜀山千丈雪。
秦嶺萬重雲。驛騎鳴金勒。宮袍粲錦文。
白頭抱關吏。自羨識終軍。

登望江亭 成廷珪

長江不可極。屹嶂獨登臨。潮信自朝暮。
山光無古今。碑亭流水涸。輦路積苔深。

欲寫興亡恨 西風萬葉吟

龐山湖泛舟過甯伯讓莊所

湖上足清晝。雨餘生綠陰。扁舟到城近。
曲港入邨深。野叟頻相問。郎君不可尋。
西菴肯分席。吾亦老山林。

夜過吳江聖壽寺宿復中行方丈

深夜扣禪扃。天寒月在庭。鳥棲驚後樹。
僧掩讀殘經。蔓草風吹白。枇杷雪洗青。

元詩別裁集卷五
對牀聽法語。心孔愈惺惺。

對客暮坐

劉誥

危坐高齋夕。東來喜友生。空庭疎雨後。
四壁亂蛩鳴。燭至瓶花落。秋涼架藥輕。
西頭動刀尺。澹月上檐楹。

湖上

薛漢

一舸泛霜晴。湖波寒更清。平堤連野色。
遠市合春聲。塵土浪終日。山林負半生。

回頭夕陽外。煙渚白鷗輕。

過臨平

吳景奎

舟。過。臨。平。後。青。山。一。點。無。大。江。吞。兩。浙。
平。野。入。三。吳。逆。旅。愁。聞。雁。行。庖。只。鱸。鱸。
風。帆。如。借。便。明。日。到。姑。蘇。

九月一日清溪道中

曹文晦

老樹依沙岸。柴門上下鄰。斷橋歸郭路。

不詳別集卷四
細雨過溪人。白鷺雙飛去。黃花數點新。
惜無遺世友。聯句坐苔茵。

送僧歸巖陵

郊韶

春船上瀨急。歸路石濺濺。白石百花靜。
清江初月圓。偶逢林下叟。為語竹間禪。
明發遙相憶。青山生暮煙。

題宋氏綠野莊

莫泊蘭陵郡。朝過綠野莊。飛花渡江澗。
垂柳蔭門長。埽地春陰合。梳頭荷氣涼。
幾時重著屐。來此話滄浪。

和楊伯謙韻

劉永之

酌酒長松下。垂蘿拂酒杯。異禽窺藥鼎。
乳鹿臥書臺。澗水穿林去。山雲帶雨回。
相期同結屋。不厭野人來。

雲門道中

金涓

三月山南路。邨邨叫杜鵑。白雲千嶂曉。

斜月一。溪煙水冷長。松井春香小。芥田
何時移別業。來往繡湖邊。

渡洛

麻革

泉石經行久。林邱弭望間。溪鳴風蕩水。
谷暗雨含山。淡淡輕鷗沒。飛飛倦鳥還。
世緣良自苦。空羨野雲閒。

青華觀西軒

盧摯

琳宇夏天曉。官曹今日閑。深松欲無路。
疎竹不遮山。靜對黃冠語。時看白鳥還。
平生林壑趣。聊復此窓間。

暮春

陳德永

山館青春老。溪扉白露斜。微風起新絮。
小雨落餘花。蜜滿蜂登課。泥香燕作家。
物情猶好在。人事益紛拏。

題豫章楊季子水北山房

潘純

舊聞楊季子。水北有山房。竹色長年綠。
松陰五月涼。雨絲深釣渚。風帙散書牀。
亦欲相從去。江波不可航。

田舍寫懷

許恕

開荒臨水驛。草蔓一何深。細雨滋牛力。
新晴慰客心。稍看田野闢。不畏虎狼侵。
麥飯香連屋。歸耕傍綠陰。

送于彥成歸越次郊九成韻

瞿智

匡山于外史。上越有歸舟。久負江湖約。
寧知歲月流。瓊書天上鶴。淥水鏡中鷗。
一曲真幽絕。當追賀監遊。

